



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
OPĆINA TEŠANJ  
OPĆINSKI NAČELNIK**

Broj:02-11-3-1699-15/21

Datum: 18.08.2021.godine

Na osnovu člana 70. stav 1. i stav 4. a u vezi sa članom 69. stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14), Općinski načelnik, donosi:

**O D L U K U**  
**o otkazivanju postupka javne nabavke**  
**I**

Otkazuje se postupak javne nabavke usluga "Izrada Studije dugoročnog rješavanja vodosnabdijevanja na području općine Tešanj" koji je objavljen na Portalu javnih nabavki dana 03.06.2021.godine pod brojem: 375-1-2-119-3-38/21, obavještenje o nabavci objavljeno u Sl.glasniku BiH broj:35/21 dana 11.06.2021.godine pod brojem:SI-10430-21.

**II**

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

**III**

Ova odluka objavit će se na web-stranici Općine Tešanj [www.opcina-tesanj.ba](http://www.opcina-tesanj.ba), shodno članu 70. stav 6. Zakona o javnim nabavkama.

**O b r a z l o ž e n j e**

Postupak javne nabavke usluga "Izrada Studije dugoročnog rješavanja vodosnabdijevanja na području općine Tešanj" pokrenut je Odlukom o pokretanju postupka broj:02-11-3-1699-2/21 od 26.05.2021.godine. Odabran je otvoreni postupak, koji je objavljen na Portalu javnih nabavki dana 03.06.2021.godine pod brojem: 375-1-2-119-3-38/21, obavještenje o nabavci objavljeno u Sl.glasniku BiH broj:35/21 dana 11.06.2021.godine pod brojem:SI-10430-21, procijenjena vrijednost javne nabavke bez PDV-a je 50.000,00KM a kriterij za dodjelu ugovora je najniža cijena.

U ostavljenom roku za dostavu ponuda pristigle su 2 (dvije) ponude i to: ponuda Grupa IBIS doo Zavidovići i HKP Consulting doo Banja Luka i ponuda Institut za građevinarstvo "IG" Banja Luka. Komisija za javne nabavke imenovana rješenjem Općinskog Načelnika broj: 02-11-3-1699-4/21 od 22.06.2021. godine izvršila je dana 30.06.2021.godine javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima, u nastavku rada komisija je utvrdila da su pristigle ponude (dvije ponude) formalno ispravne te je ugovorni organ zakazao E-aukcija za dan 05.07.2021.godine od 09:00 sati sa vremenskim trajanjem od 10 (deset) minuta.

Na osnovu izvještaja sa E-aukcije Komisija je izvršila rangiranje prihvatljivih ponuda prema kriteriju za izbor ponuda te je Komisija za javnu nabavku prema utvrđenom kriteriju "najniža cijena ekonomski prihvatljive ponude" preporučila Općinskom Načelniku, općine Tešanj (Zapisnik o pregledu i ocjeni ponuda broj:02-11-3-1699-9/21 od 05.07.2021.godine), da se u predmetu javne nabavke usluga "Izrada Studije dugoročnog rješavanja vodosnabdijevanja na području općine Tešanj", donese Odluka o izboru najpovoljnijeg ponuđača i da se kao najbolje ocijenjena prihvatljiva ponuda za usluge određuje ponuda ponuđača Institut za građevinarstvo "IG" Banja Luka, te je ugovorni organ u skladu sa članom 70. stav 1. a u vezi sa članom 64. stav 1. tačka b) Zakona o javnim nabavkama (SG BiH br: 39/14) donio Odluku o izboru broj: 02-11-3-1699-10/21 od 06.07.2021.godine.

U skladu sa članom 72. stav 1. Zakona kada su se stekli zakonski uslovi ugovorni organ je prvorangiranom dostavio na potpis ugovor te je isti svojim aktom broj:DO-IGBL-IN-OS-2380/21 od 26.07.2021.godine obavijestio ugovorni organ da zbog ranije preuzetih obaveza nisu u mogućnosti izvršiti potpisivanje ugovora, te da isti dodijelimo drugorangiranom, dakle prvorangirani je u skladu sa članom 72. stav 3. tačka c) Zakona odbio dodjelu ugovora.

Kako je prvorangirani Institut za građevinarstvo "IG" Banja Luka odbio dodjelu ugovora to je Ugovorni organ aktom broj:08-11-3-1699-13/21 od 09.08.2021.godine od drugorangiranog Grupa IBIS doo Zavidovići i HKP Consulting doo Banja Luka zatražio dostavljanje dokumentacije po članu 45. i 47. Zakona o javnim nabavkama, a koji su traženi tačkom 12.2. i 13.2.2. tenderske dokumentacije, kako bi mu kao drugorangiranom u skladu sa članom 72. stav 3. Zakona o javnim nabavkama (Sl.Glasnik BiH broj:39/14) mogao dostaviti prijedlog ugovora na potpis. Drugorangirani je svojim aktom broj:343-02-IB/21 od 13.08.2021.godine obavijestio ugovorni organ da zbog već preuzetih obaveza nije u mogućnosti dostaviti traženu dokumentaciju a samim tim ni preuzeti ugovorene obaveze.

Budući da ni drugorangirani nije ugovornom organu dostavio traženu dokumentaciju a kako su u predmetnoj nabavci dostavljene dvije ponude to je ugovorni organ u skladu sa članom 69. stav 3. Zakona o javnim nabavkama Bosne i Hercegovine ("Službeni glasnik BiH", broj: 39/14) donio odluku o otkazivanju postupka javne nabavke, jer se radi o razlozima koji su izvan kontrole ugovornog organa.

**Pouka o pravnom lijeku:** Žalba na Odluku o poništenju postupka javne nabavke izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

#### DOSTAVLJENO:

1. Ponuđači x2
2. Služba za finansije, privredu, inspeksijske i komunalne poslove općine Tešanj.,
3. Web stranica Općine Tešanj, elektronski
4. Predmet.

*Handwritten signature*



**OPĆINSKI NAČELNIK**

**mr.sci. Suad Huskić**